

Tala faasolopito:
TE'O
TUVALE
&
PAULY
FUEMANA



24 Aukuso 2015 ~ Lomiga 25 ~ Upega Tafailagi: www.ola888.com ~ Telefoni (09) 269-6186 ~ Tuatusi: saili.niupac@gmail.com; evaleon.books@gmail.com ~ E le faatauina ~ A Free Publication

O a mai lena itu o le vai?



E le o se tala logomalie le tala a se iunivesite i Sini i le tulaga o tagata Pasefika i Ausetalia, ae taua pea le manino i tulaga o le aumau ai. I sa latou su'esu'ega e iai faamau nei: 72% Pasefika e le a'o'oga; e galulue i galuega e maulalo totogi; e itiiti avanoa e mafai ai e i latou ona faatau ni fale, e to'atele e faalagolago i le malo i fale e alala ai; aiga to'atele; 8% e leai ni pepa sitiseni ma mele ai faamanuiaga e tatau ona maua.

E 280,000 tagata Pasefika o loo alala i Ausetalia. To'atele i talavou. E faatoluina lena i le isi 10 tausaga. Ioe, e pei lava o se ata ua vili faalua, i mea o loo tutupu i lenei foi itu o le vai.

E telē lou sao tusa pe e te laitiiti



Daffodil Day

*Faamanatu e Nin Sila
Aso Faraile, 28 Aukuso 2015*

O le lili samasama (daffodil) e fotu i le taimi e totogo ai laau. O lona lanu samasama malosi e faailoga ai le olioli i le tau fou ua oo mai, e feala mai ai manu ma laau ua te'a atu fita o le taumalulu. O lea foi ua avea ma faatusa o le faamoemoe mo latou o loo feagai ma gasegase tau le kanesa. E 1 mai le 3 ni tagata Niu Sila e aafia i le kanesa, pe gasegase ai pe tau fo'i i se o loo gasegase. I le ata i luga le teine o Robyn Coleman (3), i le tatalaina o le faamanatu a Aealani i lenei tausaga.

Lamatia fanau a'oga—lapata'ia a'oga ma matua

O loo saili e leoleo se alii Initia na ia taumafai e tata'i se teineitiiti i totonu o lana taavale. Meamanu faalavelave ni isi teine a'oga na mafua ai ona faasaoina mai o ia.

O le teine, Tausaga 6, e a'oga i le A'oga a Diocesan i Aukilani. O le tuua o le a'oga i le Aso Faraile na tupu ai, i luga o le auala e feagai ma le lotoa a'oga. E tusa i molimau, na taumafai o ia e faalata atu le teine i lana taavale. Na momo'e ese le teine ae mulimuli ai le ua tuua'ia. Na vave ona faasalavei isi teine matutua na latou molia atu o ia lona aiga.

O le o loo sailia o se tama Initia, pe a ma se 20 tausaga, e selu faatutu i luga le lauulu, o lana taavale o se sedan lanumoana ma le numera o le peleti e amata i le mataitusi H.

O le faalua ai lea ona tupu lea mea e aafia ai fanau a lea a'oga i totonu o se vaiaso se tasi. Na lipotia



Diocesan, A'oga a Teine i Aukilani

muamua se taavale lanumoana o le ituaiga e tasi, ma e iai le masaloga o le tagata lava lea e tasi.

E lei vasa'i se taimi o lenei lipoti ma se mea foi faapea na tupu i se tamaitiiti a'oga i se a'oga i Te Atatu i Aukilani e lei mamao atu. O se tama a'oga laitiiti na taumafai se tamaloa e toso i tua i se pupuvao sa faapuga ai. Ana le autafiti le tama ma tuufea'a e le faamamuluina.

Ua avea nei mea ua tutupu ma ni auala o faamanatu i a'oga ma matua

o le tatau ona mataala i tulaga ia.

Ua iai tulafono a a'oga e puipui ai le molia atu i le taeao ma le tuuina mai o le fanau i afiafi. E le mafai ona tuua le fanau na o latou e aunoa ma le vaavaaia, pe faatonu e o na o latou i le fale pe afai ua tuai mai matua e ave. I lenei taimi e foliga o le faafitauli e le o totonu o le lotoa a'oga a o fafo, aemaise o le taimi a o aga'i atu le fanau i le fale na o latou.

O se tasi vaega taua i polokalame a nisi a'oga o le a'oa'o lelei o le fanau i lo latou saogalemu; pe faapefea ona tali atu pe a feagai ma ni tulaga faapea.

Ua faamaonia i sailiga le faigofie tele ona faatosina le fanau talu ai lo latou talitonu gofie i tagata matutua. Latou te le faailogaina le tagata e masani ai ma lena e le masani ai. E lava foliga fiafia e maloina lo latou talitonu. Peitai e tatau ona latou iloa ona faailoga le fili mai le aiga. Po o le fili e ofu mai i se pa'u mamoe a o se luko mao'i.

Ripoti o le Vaiaso:

Tuua'iina le manatu faapito o le mafuaaga o le le aga'i i luma i se tulaga tutusa

O loo faasolo pea le faasoa a le NZ Herald i mataupu taua'oga, aemaise o ni o latou aafiaga mo le taulaga aupito to'atele a lenei atunuu. I le vaiaso talu ai na otooto atu ai nisi taofi, ma ua manatu e fa'aaauau, talu ai le tele o mea aoga e faatupu manatu i la tatou foi sailiga mo ni tali.


I se kalafi a le matagaluega (ata i luga) o loo ua aumai manino ai se vaeveaga lata mai o fanau a Aukilani i pasene o a'oga, le vaega e maualalo tamaoaiga, ma na e maualuluga. E tautala le kalafi lava ia, e 65 pasene fanau Pasefika, o latou e faumalo i a'oga e maualalo tamaoaiga, toe lava tutusa ma le 67 pasene o fanau a'oga Europa o loo faumalo i a'oga a Aukilani e maualuluga tamaoaiga.

E le o se faaaliga fou, a o se mea ua leva ona faailoaina ma talanoaina. Ui i lea o loo avea pea ma autu o faasoa taua'oga i tausaga uma, talu ai le taua o Aukilani i le tamaoaiga o lenei atunuu.

Na o se 13.7 pasene o le faitau aofa'i o Aukilani o tagata Pasefika, ae laualuga i soo se vaega o faafitauli taua'oga e faatusatusa i isi. E mafua ona o le maualuga o lona aofa'i e alala i Aukilani (67 pasene). Lua, ona o le le mautali o le malo i ni fofo o nei faafitauli.

E mafai ona fa'aaoga le kalafi e nisi e finauina ai le mafuaaga o le faaletonu. E iai faamau malolosi e lagolagoina ai. Ae talitonu isi e le na o le mativa se pogai.

O le mau a le peresetene o le APPA, Frances Nelson, e tuuaiina le agaga fevaevaea'i. Fai mai Nelson, o le mea ua tupu ua tilotilo ifo lava le a'oga ia ia te ia, ae tataua ona tatala le tofa ma faasoa tomali mo se manuia lautele o fanau uma. Na ia aumai le faatusa i upu o se solo lausilafia, e le se motu se tagata. I le mea ua iai nei, ua pei o ni motu aga a a'oga ta'itasi. E mafua lea ona o suiga faatu mai e le A'oga Ataeao. I nei ua faamalosi ai le agaga tauva ma le uiga tutoatasi, ua lepeti ai le agaga o le galulue faatasi.



Ua avea le tauva i tupe ma mafuaaga o le ola puipui ma taofiofi. Ua mumusu ai a'oga malolosi e fesoasoani i a'oga o loo tau atia'e. Ua pei o ni pisinisi le faiga o a'oga ona o le naunau i le tupe, ua mafua ai le le fetalanoa'i ma fetufa'i e pei o tu na masani mai ai.

O le faatuina mai o le fuafuaga a le malo mo le faavaeina o ni 'nuu a'oga' o se faiga e fuafua tonu i le faafitauli lea.

O le popolega o Nelson pe faamata e lava lona malosi e faasopolia ai tulimanu uma, ia le gata i a'oga o loo feoloolo, a ia oo foi suiga i na o loo pito i lalo i ausiga.

E manatu le tamaitai su'esu'e o Cathy Wylie e tataua ona iai se ivitu malosi e taula i ai le fuafuaga. O lea ivitu e faatatau i ni faamatua (a'oga) e taulamua. O le vaivaiga o le fuafuaga saunoa mai Wylie, o le lei mautu o le iloa, su'esu'ega ma alaga'oa e lagolagoina ai.

O le mataupu i le galulue faatasi e le faigofie foi, saunoa Frances Nelson, e le o se mea e faatonuina i se tulafono, a o le va fealoaloa'i o tagata e faavae ai. E le tupu i se aso se tasi ae umi se taimi e fatufatu ai ni sootaga faalegaluega.

O fuafuaga faataoto a le malo o loo aga'i tonu i le aufaigaluega. E talitonu le malo o le ki i ausiga siitia o loo i faia'oga ma pulega o a'oga. Lea ua tuu i ai le \$200 miliona ma ona tupu.

Aulia le isi 30 tausaga, e 1 mai le 4 tagata e alala i Aukilani o se e tupuga mai i le gafa Pasefika. O le naunauga i le malo ia aulia atu lea taimi a ua lava tapena vasega uma i le atia'eina o Aukilani. E tutotonu le sao o faia'oga ma a'oga i lena tapenaga.

OTOOTOGA

Tauau e galo nuu a uta

A o vevesi taulaga tetele i le feoma'i ma le vao faafitauli ae galo ai nai tamaiti o loo nonofo i nuu a uta. O le faamanatu lea a le tamaitai o Jody O'Callaghan i sana lipoti i le mataupu.

E foliga ua tuu uma le faamuamua i vaega o le atunuu o loo alala ai le To'atele, ae faamulimuli pe faagalogalo foi nai tamai nuu tu mamao.

O fua aliali, o le tuu ai lava o latou e fai latou e pei ni tagata ese. E iai le a'oga a Southbridge, 40 minute mai Kalaiesetete. Talu ai le mamao, e tele ina le auai le tamaitai pule o Susan Jennison i fonotaga a pule e fai i le taulaga. E faapena foi i faia'oga. E faapena foi i tulaga o le faaleleia o falea'oga ma mea e tua i ai le fanau. E silia i se 64,000 i latou nofo a uta, pe lavea i le ta'u, o nofoaga taumamao a Niu Sila.

A'oga siata i le ata

E le o le ata o taulelei a o le ata e faanoanoa ai le malo ona o le tautalagia pea o ana A'oga Siata e le Itu Agai ma le aufaasalalau tala.

Fai mai Kirsty Johnson e faitau selau afe tala o loo ua faaaluina e nei a'oga e totogi ai i latou o loo faatautaina. E 40 pasene o tupe mai le malo e alu i o latou totogi, i ni a'oga e ta'i 70 ni tamaiti i le lola, fua faatatau.

I le tele o a'oga a le malo o iai nei, e na o se 10 i le 25 pasene e faaalu e se a'oga, 700 tamaiti e iai, mo totogi o e galulue i le ofisa.

E lima ni a'oga na faatutu i le 2014, ae fa ni a'oga fou o le a tatala i le tausaga lenei.

*Faasoa o le Vaiaso:***O ni tuumumusu aogā mai le palemia**

E iai taimi e tau ane ai se manatu pe faape'i le faiga o fanau poo alo foi o i latou e maua mea, pe ese naua mai fanau a isi e leai ni mea, poo e foi e taufaasoasoa le tamaoaga.

O se mataupu mo se vaega o le aufaasalalau e maua ai a latou tupe. E tele molimau mai na lipoti, i nisi o fanau e ola saoloto ma tafilisaunoa i le oa faula'i ua maua e o latou matua.

Ae iai foi sina vaega e le to'atele e ola faapei lava o isi tamaiti. E le seetia gofie i ni manuia ua maua.

O le iuga o le vaega muamua e le soona tauiloina, e iu i le maumau ona o mailei a le 'oa. A o lona lua e tua i le manuia. O latou foi na e sili ona mauaafia i le olaga ma ona luitau. A avea foi ma ni ta'ita'i o tagata, latou te malamalama ma tiga alofa faatasi ma isi, auā ua latou tofo i le faigata o loo ola ai le toatele.

Aumai le palemia a Niu Sila e fai ma faata'ita'iga. Ua iloa uma lava e lenei atunuu o John Key o le milionea. E toalua o la alo ma lona faletua. Ae sa faigaluega lona atalii ia McDonald; o lona afafine sa faigaluega o se tausitama. I le taimi nei ua aga'i atu i nisi luitau taua'oga ma galuega, a ua tofo i lea laasaga e masani ai talavou aooga a le atunuu.

E talitonu le alii palemia e tatau i matua ona vave toto le fatu o mea taua i loto o le fanau. Le aogā o le galue, le faamasani i tomali e mafai ai ona ola tutoatasi, le taua o le fa'aaloalo.

O le fa'aaloalo mai o isi e tatau ona e galue i ai, ae le o se mea e toina mai ona o le tofi palemia.

O le autu lea o le faasoa, o matua o le uluai tapasa mo fanau i le amio ma mea lelei uma.

E le taua pe tele pe leai ni tupe a matua, pe mauoloa pe matitiva se aiga; e le taua pe palemia pe le taualoa le tamā, ae taua mea i totonu o loo teu ai le anofale o se aiga. O mea na e fausia se fanau lelei mo le lumanai ae le o tupe.

E saunua le palemia i le potomasani, auā sa tofo i le mativa. Ae le fesiligia sa tapena lelei i mea taua o le olaga.

Ua amana'ia e le Taiala A'oga a Niu Sila na mea taua, pei ona faaSamoa i lalo o le *Fuaiupu Taiala Samoa* i le ulutala Talitonuga Taua. O le lotoaloa, fa'aaloalo, onosa'i, toaga, e le fou i le faalogo a le fanau.

I le masina ua mavae na folasia ai se lipoti i le faia'e pea o faafitauli tau le amio i totonu o a'oga. O fanau e faaoolima i isi fanau ma faia'oga, o fanau e le iloa fa'aaloalo i faia'oga, o fanau e leai ni miti mo le lumanai ae fai ma sasa i faia'oga.

O le tausitama faaSamoa e faatonu ae le tuufauina. E tausii faatasi. Auā o le alofa lena, o le leo lena sa malu ai la tatou tu ma le aga, o le tama a Pai o le tama foi lena a le faia'oga, le faifeau, le faletua, le tuaoi, le uso.

I aso la sa 'au'aufau faia'oga ma matua, i nei aso ua tu le matua mo lana tama. Ua tu le tulafono mo fanau. I le va lena ua omia ai le faaSamoa ma ana mea taua o loo taulagia i fetalaiga.

Ae pei lava o soo se suiga o le olaga, e tatau ona saili ni auala e faaofi ai. E le gata i auala a o se mafaufau fou e momoli ai. I nei aso o le faaluafesasi o fanau i le mau leo—aganuu, lotu, malo, o le ki i soo se auala lelei o le a'oga.

A'oa'o le fanau i le faaaloalo ma lona uiga. Auā e ganea le upu pe a manino lelei fanau i lona aogā ma le taua.

E talitonu le faasoa i le upu a sala tai ia tonu uta. A fai ua ama aiga i le a'oa'oina o na mea taua, e tatau ona fai sea galuega i totonu o potua'oga. O se lesana sili ona aogā lena o le aso.

E taua foi le faamanatu a le palemia, o le fa'aaloalo e te galue i ai, ae le faatali se'i to mai ona o le tofi taualoa ua tatou umia.

O le mafaufau fou lena. Ae mafai? O se lu'i lea mo tatou uma.

“mafauauga o le vaiaso”

O tama a tagata e fafaga i upu ma tala
Muagagana masani a Samoa

*Tulimanu o Popa:***Talofa.
O a'u o
Popa**

Talofa lava. O a'u o Popa. Dr Popa. E amata atu nei ona ou vaaia le tulimanu lenei ona ua moomia e le puletini se suiga. E to'atele tina matutua ua vili mai ma faaali lo latou le fiafia ia Pole. Fai mai e mana'omia se tagata matua. Ia, ou te le iloa i upu nei o le sui ma le matua, auā o le upu moni e tai tutusa lava ma tala ma Pole. Afai foi e alu a'i tuli a'u, e le se mea e ofo ai se pili. A o la'u lipoti lenei.

Muamua, ou te lagolagoina atoatoa le finau a Manawatu mo nai fanau e iai o latou mana'oga faapitoa. Ua tele tupe e alu i fanau lē faapitoa ae tuu le auga o aute, o le 'aufaapitoa.

Lua, e moni lelei le faameo a nai a'oga mai tuā tuā lava. Ua mua le popole o le malo i fuainumera o le isi palota, ae tia'i latou pei o ni tagata e o mai isi paneta. Leaga e lei oo se isi o faipule i le mea e ta'u o le mamao. E gata le auala e alu ai le pasi ae sopo faato'a oo i le vaveao o le isi aso.

Ae iai ona faasiliga. E leai ni PD e faia. Afai o le faamalositino e fai ai foi ma le isi malologa. E faeai lava tamaiti i luga o laau ma taupeupe ifo, ae fai atu le a'oga a le faia'oga i lalo.

Tolu, ua finau se loomatua e nofo i Tauranga, ua tatau ona avea le Igilisi ma leo taualoa a le atunuu. I le taimi nei o loo saofafa'i le gagana Maori ma le gagana faapitoa (logonoa) i le nofoa. E 95 pasene Kiwi e tautatala i le Igilisi, ae 3 pasene e tautatala i le te reo whenua. Ae pe na o se 'afa pasene e malamalama i le gagana faitaga. Ia, tailo, na o NuSila e maua ai na fika.

Faatusatusa lea ia Samoa, e tusa i sailiga a Pole, e 100 pasene e malamalama i le gagana Samoa, ae 2 pasene o loo fa'aagaina. Ou te le talitonu i le su'esu'ega lea a Pole.

Ae manatua le Aso Faraile e avane sina seleni ma le matou sosaiete Kanesa. Tasi lava i le tausaga.

Manuia lenei vaiaso. Toe feiloa'i.

Autu: ALOFA, faailoga ai le Aso o le Daffodil i Niu Sila

Saunia e le Vasega O le Taiala 8, 2011, Finlayson Park School, Manurewa

Fai mai se mau, a e fia faalogo i lou lava leo moni, tusi sau solo, auā o le solo o le faaleoga o sou lagona faamaoni e uiga ia te oe po o se autu e talanoaina. O ni solo nei sa tusia e le fanau a'oga mo le tatou puletini i le uluai tausaga na amata ai le tautua. O le to'atele o latou o loo faaauau le taumafai i kolisi. O leni toe lomiga o a latou galuega e feauga lelei ma le taimi na uluai tusia ai. Talosia o loo faaauau pea le filigā e fatufatu. Talitonu o le a faamalieina lau faitau i le faiva manatunatu o le fanau.

1	7
O le alofa o le Atua	E te mafatia ma e manuia
E le mafai ona fua	i le alofa.
Na foa'i mai lona atalii e	
faasala	Sam
E faamagalo ai tatou	
agasala	8
O le alofa o le Atua e le	O le alofa e iai i so'o se tagata
mafai ona faamatala	Pei o lou uso, uo, tama ma tina
E pei o se li'o e leai sona	O le alofa o Keriso e fa'apei
gata'aga.	o le Malamalama.

Thylo Toailoa Ote

2	9
A e alofa ma foa'i tupe	Pe a e alofa i so'o se tasi
Tatou te fifilemu tai pei lava	E te mauaina le ola matalasi
o ni lupe	Ae pe a e faalogogata ma
	ulavale
Jonathan	E te le mauaina le ola
	faavavau.

3	Eric Vatau
O le alofa o le Atua e le uma	
A o le alofa o le tagata e	
mavae. E pei o le lalolagi.	10

Robbyn	A ou va'ai i le tina ma lana
	tama o loo 'u'u lima. Ona ou
	manatua lea o le upu, alofa.

4	Petaia
E sau mai le loto ma lou fatu	
E nofo mau i ina ae le sola	
Atu. E tatau ona e alofa i	11
taimi uma	O lona alofa na fai ai le
A leai e maua ai lou i'uga.	lalolagi

Willie Tuala	O lona alofa na fai ai le tagata
	O lona alofa na foa'i mai ai
	lona alo pele
	E fai ma togiola e tasi ae afe.

5	
O le alofa e mai le Atua.	

Jesse	Miracle Savea
-------	---------------

6	12
O le alofa o Keriso e	O le alofa ua ta'atia i lalo o le
faamaoni	laau Kerisimasi. Ua fiafia le
la te A'U.	lalolagi. Aemaise alii ma
	tama'ita'i.

Martha Nikolao	Easter
----------------	--------



Ulugamanu Fealofani, lena o loo talatalanoa ua uma ona momoli tamaiti i le a'oga. Ae fai mai Joyce Time, o le alofa ua pei lava o se maa ua le mafai ona vavae. Manaia le faata'ita'iga o le soagi. O le ata na tusia e Luiza Vizoli.

13	pei o se nuanua
O lona alofa e silisiliese	E ofoofogia le alofa o le
E susulu mai ai le la	Atua
E pele lava le alofa o le Atua	O le mafua'aga lena na
E maualuga lava i so'o se mea.	maliu ai o ia.

Aevanu	Zebalda
--------	---------

14	18
Alofa mai alofa atu	E mamae le tava'e i ona
E tata ai le fatu.	fulu

Penny	Faapei o lo'u alofa ia
	Samoa lo'u nuu
	Uumau le alofa ne'i te'i ane
	ua mamulu.

15	Jennifer Suataualoa
O le alofa ua pei lava o se	
ma'a ua le mafai ona vavae.	

Joyce Time	19
	A e alofa i le Atua e te
	usita'i i ou matua
	A e alu i le fale tatalo
	E faaali ai lau amio
	faaaloalo.

	Mele Galo
--	-----------

	20
	O le alofa o se mea tiga
	Pe a faamavae ma fa'atofa
	Pe a alu se tasi e le toe sau


	Pe aisea e faapea ai?
--	-----------------------

17	Savaliga
E malamalama mai e pei	
o se la	
A o totonu e felanulanua'i e	



Sponsored by Evaleon

LOUTALA FA'ASOLOPITO SAMOA HISTORY

"Ne'i mea ane na galo"

23—29 Aukuso

23

1927 Folafofa se komisi e
su'esu'eina le tagi a
Richardson

1894 Tatala a'oga LMS i
Leulumoeaga

1887 Pulea atoa e Siamani le
taulaga o Apia

24

1920 Asia Apia e le Perenise
o Uelese

26

2002 Niu Sila. Malo le Leipa,
tolu Sui o Samoa i le
palemene Niu Sila.

1997 Asia Apia e Jim Bolger,
palemia Niu Sila

1982 Tatala le Ioane Viliamu
i Apia

1970 Avea Samoa ma sui o le
Taupulega a Peretania

1959 Malo Heini Forsyth i le

fusi o le paga mama
(welter weight) a Niu
Sila. O lana paga o
David Healy (ata o
Forsyth i luga i sana
fusuaga i le 1961)

1855 Aso fanau, Te'o Tuvale,
tusitala tala faasolo
Samoa

28

1987 Malo August Tanuvasa
i le fusi paga mamafa
a Niu Sila. O lana paga
o Lance Revill

29

1994 Talimalo Samoa i tuuga
vaaalo a le lalolagi

1943 Aso Fanau, alii malie
Petelo Taavaomaalii,
fanau i Faleapuna


1914 Aso Toona'i.
Tulaueleele fitafita
Niu Sila, 1473 aofa'i

1892 Tatala Papauta, A'oga
a Tama'ita'i

Ata taumatau: Pauly Fuemana. I le 1995 na faafofoga ai le lalolagi i le pese How Bizzare a Pauly Fuemana (OMC), na ta'uta'ua ai Niu Sila ae liua Pauly o se milionea. Avea pea ma pese sili lona alumia (taulia) a lenei atunuu e oo mai i le aso. Le isi ata: Heine Forsyth i sana fusuaga

Te'o Tuvale, se tusiupu faamaoni a Samoa

E iai nisi faiva i le soifuaga e tau le aliali i luma, e gaoioi mai tua, e pei o le faiva o le tusiupu, le galuega a le tusitala o le tala faasolo. Peita'i o faiva alofilima nei e iloga le taua, aua o latou e faalagolago i ai le moliga ma le faauualoaina o le tala.



E le masani ona ta'u le igoa o Te'o Tuvale i totonu o potua'oga a Samoa tainane isi malo e a'oa'o ai lona tala faasolo, ae molimau ana lava galuega, o Tuvale o le tusiupu mao'i a Samoa na mua'i faata'ita'ia lenei faiva i lona faamauina o mea na tutupu ia Samoa i lona taimi. E iloga se vaega o ana faamau, auā o mea na tutupu a o lotolotoi ai ma auai fo'i o se tasi na fausia lo tatou tala faasolo. Faata'ita'iga, o ana faamau ta'utino i le vevesi o le 1899.

Ae na lausilafia o ia o se ofisa faigaluega i le malo o Siamani aulia mai fo'i le faigamalo a Niu Sila seia malia ia Tesema 1919. Sa ulua'i galue o se faaliliu upu mo Solofa le kovana Siamani, alu a'i tofia o le failautusi a le malo, avea fo'i ma faamasino sili mo se taimi. Lelei a'oa'oina i lona taimi, o se tama a'oga na i'u i Malua, galue ai mo se taimi, ae na filifili e tautua mo Samoa i le malo, faatasi ma lona uso matua, Le Mamea, o se tasi fo'i na iloga sona sao o se tagata faigaluega a le malo i ona taimi.

Na soifua a'e Tuvale i Faleasiu, le nuu sa faifeau ai ona matua. O lona tamā o Vaaelua Petaia, o ia le ulua'i faifeau a Faleasiu ma le tupuga o se tasi aiga lotu ma lausilafia i le atunuu.

O le poloaiga a Lokeni na amata ai le faiva o Tuvale o se tusiupu i le tala faasolo, o tala i mea na tutupu i lona taimi, ae faapea fo'i talatuu a le atunuu, tala o le vavau, gafa ma faalupega. Na fai fo'i sona sao i le tapenaina o le ulua'i tusi faalupega o Samoa, na galulue ai ma ona uso e to'alua. Fai mai o lana toe galuega o le vaaiga o le tanuga o e na maliliu i le faama'i tele o le 1918.

Wikipedia; Peggy Fairbairn-Dunlop. Tamaitai Samoa.

NIUPAC PUBLICATION

Email: evaleon.books@gmail.com
Phone: (09) 269-6186
Postal: PO Box 43122
Mangere Town Centre, AUK 2153

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. OLA understands the rights of other copyright holders whose material we use and acknowledge always—apart from our own.

NIUPAC 2011

Editors:

Levi Tavita ~ ltavita8@gmail.com
Muliagatele V. Fetui ~ v.fetui@auckland.ac.nz
Saili Aukuso ~ saili.niupac@gmail.com

EVALEON BOOKS & NIUPAC PUBLISHING



Telefoni (09) 269-6186. Emeli: evaleon.books@gmail.com



Tautua e ala i le gaosia o alaga'oa mo a'oga (tusi mo le a'oa'oina o le faitau i le gagana Samoa, tusi e a'oa'o ai gagana, kalena, posters, yearbooks, brochures. E tautua fo'i i le fa'aliliuga o gagana, ma le tapenaina o ni tusi e fia lomia i so'o se sionara o fatuga.

Sponsors:

New Zealand
Lottery Commission

Evaleon Books &
Niupac Publishing

Wheeler's Books
(NZ)



Sini Autu: Ia sa'o faaleoga o a'u vauelei
vaivai (i le iuga o le upu)

Alaga'oa e a'oa'o ai: siata upu
(upu fa'aaoga soo)

Ta'u ta'itasi

1. faia fale fātai

2. fe'ai feala feoso

3. fia 'ai fiafia filo

4. fofoa foeuli fono

5. fuamoa fulū fuga

6. na faia o le a fai

Aofa'i o a'u upu na sa'o =

Fale Faupu:

O meafaigaluega e
lagolago ai galuega
faatino:

O la'u lisi o upu ou te iloa:

O ni fesili:

1. Pe na sa'o lelei le
faaleoga o a'u upu?

2. Pe na sa'o lelei la'u
faaleoga o le vauelei
muamua?

3. O a ni isi upu
masani ou te iloa lelei
o latou faaleoga?

UILI FAU UPU

Saili tali o fesili o lo'o i lalo.
Pule oe pe sipela i luma
(clockwise) po'o tua
(anticlockwise).
E sa le feosoosofa'i.



1. Ta'u mai ni soa se tolu
o le ta'ua i le Igilisi:

2. Saili ni fausaga o le
upu tago


3. Su'e le upu tauamo
tusi sona faamatalaga:

4. Tusi uma upu/
fuiupu e ta'i 4-8
mata'itusi, ma o
latou soa i le Igilisi
(E faitau ai ma upu
ta'ua i le 1, 2 & 3)

Lelei atoa = 12 upu
Lelei tele = 8 upu
Lelei = 6 upu

PASO I GAGANA E LUA

Faatumu le paso i upu/igoa Samoa. Fill the
crossword box with Samoan words / names
—unless stated otherwise.




Faalava~Across

- 1 be lumpy, like lemon (8)
- 5 A joint word (2)
- 8 strings (4)
- 9 so many (6)
- 11 pebbles (6)
- 12 be one among (4)
- 13 challenge (2)
- 16 wristwatch (4)
- 18 lest (3)
- 19 albino (5)
- 20 to cast, throw (4)
- 21 night (2)
- 22 rib (body) (3)
- 24 goods (4)
- 25 battery (3)

7 poverty (6)

- 10 men's island dress (4)
- 14 to hold down mats from wind (5)
- 15 push (4)
- 16 wheel (4)
- 17 taken by currents (5)
- 19 long rod to push boat with (3)
- 23 Culture: sacred space between two people (2)



No culture is perfect or sacred even today. Individual dissent is essential to the healthy survival, development and sanity of any nation – without it culture will drown in self-love. Albert Wendt

Lalo~Down

- 1 title Albert Wendt's novel, Faleasa is the character (8)
- 2 ambitious (7)
- 3 or (2)
- 4 mother (4)
- 6 5th day (3,4)

Fatuupu Albert Wendt:

- 1. O le a lona suafa matai?
- 2. O le a le igoa o lana uluai tusi?
- 3. O ai e autu i ai lana tusi o le igoa 'Ola'?
- 4. O le a le faaiu o Faleasa i le tasi ana tala?

SUDOKU #26 (TAALOGA I NUMERA)

		9			4			
					8	9		6
	5		2		7		4	
	7	6		5		8		3
3		4		8		5	7	
	4		3		9		6	
9		5	6					
			8			3		

FAIGOFIE / FEOLQOLO / FAIGATA

©sudokuessentials

Fa'atumu pusa numera (tama'i sikuea) i fuainumera 1 i le 9. Ia uma ane le galuega ua maua atulaina ta'itasi (tu, fa'alava) o iai le 1 i le 9. E tofu le atulaina ma lona fa'atulagaga e ese mai le isi.

TALI GALUEGA OLA 25

UILI FAU'UPU 25

- 1. mautu—lasting; mau-tu—permanent; mautu—settled, established
- 2. tufa & fausaga tufaga, tufaina, fetufa'i, fetufa'iga, tufatufa
- 3. faamau (veape & nau-na). Pupuni mau se ava, loka ia mau, tusi i se api pe pu'e. Tago e faamau lelei le ofu o le tama. Avane se pa'u e faamau ai lona lauulu. Tago e faamau i se pepa ana upu.

- 4. faama—to shame; faamau—button; faamau—zeal; faamau—engagement; faamautu—to settle; autu—main; autu—major; autu—theme; futu—foot/feet; aafu—to cover with bedding sheet

TALI SUDOKU #25

1	8	9	5	6	4	2	3	7
4	2	7	1	3	8	9	5	6
6	5	3	2	9	7	1	4	8
2	7	6	4	5	1	8	9	3
5	9	8	7	2	3	6	1	4
3	1	4	9	8	6	5	7	2
8	4	2	3	1	9	7	6	5
9	3	5	6	7	2	4	8	1
7	6	1	8	4	5	3	2	9

Malia Paseka. Fanau i Ota-huhu, Aukilani Taalo i le Northern Mystics, filia Silver Ferns 2015. Maua isi faamatalaga i le upega a le Northern Mystics.



© PasoSamoa, 1988

POLE MA PAPA





Tauvaga Tusiga Tala

Ua saunia se tauvaga tusigatala i le gagana Samoa e le tatou puletini. E pule le tagata i lana autu. O ni faata'ita'iga nei:

1. se tala i lou olaga, aiga po o se tasi tagata e te amana'ia.
2. Se tala fatu (fiction) i soo se autu mai ou lava mafaufauga.
3. Se tala i se mea moni na tupu na e aafia ai, pe na faamatala e se tasi ia te oe.
4. Sou taofi i se mataupu taua na e su'esu'eina
5. Se solo saunia lelei soo se autu.

Ulutala: e pule oe

Umi: 250 i le 1500 upu

Gagana e tusi ai: Samoa

Aso e faagata ai: 06 Setema 2015

O ai e tauva: Fanau Aoga: 1. Tulagalua

2. Kolisi

3. Soo se tasi

Faailoga: Ua saunia ni faailoga lelei

Lomia: O tala uma e fia lomina i se tusi

Lafo mai lau tala: evaleon.books@gmail.com;

po o le ltavita8@gmail.com

www.ola888.com

Faupu:


O ni ta'iala e fesoasoani i le faaleoga tonu

LEO MA LONA GAOSIGA

Ua ta'u le pusa leo o le masini faileo e faaleo ai se gagana. O le pusa leo e nofo i lalo tonu o le laulaufaiva e feagai ma augutu o le ala'ea. I totonu o le pusa leo uaua faileo ma le kolota (ava) i le va o uaua. O uaua nei e falo pe a tautala pe pese se tasi ma maua ai manavaga sapotu e afua mai ai leo matala.

Faatasi ma isi totoga o le tino e iai māmā, laulaufaiva ma le isu, o na ua auala ai faaleoga o leo o se gagana.

Totoga Faileo



1. Ava o le isu
2. Tuanifo aluga
3. Peleti malo
4. Peleti vaivai
5. Nifo (tainifo)
6. Tumutumu o le laulaufaiva
7. Laulaufaiva
8. Alelo
9. Fa'a'i
10. Pusa leo
11. Ala'ea
12. Ala'ai



Upu o le Vaiaso: maualafia. Uluai fa'aaoga e Tui Atua Tupua Tamasese. Uiga fa'aaoga ai e le autusitusi—e tele auala, e mau auala, e avanoa i auala